

阿毗曇毗婆沙論卷第三

都三

迦旃延子造

北涼沙門浮陀跋摩共道泰譯

雜捷度世第一法品第一之三

問曰以何等故見道自地他地修非世第一都三

法耶答曰或有說者見道展轉爲因非世第一法復有說者見道聖人身中修以聖人身中修故自地他地修彼亦展轉爲因如

以此三事故自地他地修彼亦展轉爲因如法智斷欲界結比智亦修彼比智非欲界對治道法智現前時亦名修亦名對治辦事者如第四禪地苦智修初禪地亦修如初禪地道辦事第四禪地道亦辦如第四禪地道辦

事初擇地亦辨復有說者無漏法所作異有漏法所作異所以者何世第一法爲愛所繫無漏法者不爲愛所繫復有說者世第一法有垢有過患雜毒滓濁是以不依他地自地修見道無垢無過不雜毒不滓濁是以自地他地修復有說者世第一法在界爲界所繫在地爲地所繫無漏法在界在地不爲界地所繫復有說者世第一法在身有繫無漏法在身不繫復有說者世第一法必生報無漏法不生報問曰同是有漏以何等故見道邊

等智自地他地修非世第一法耶答曰或有說者見道邊等智不用功而得以見道力故修如見道中能自地他地修彼見道邊等智亦修世第一法大功力得是以惟自地修非他地修復有說者見道邊等智是見道眷屬常不相離如見道自地他地修彼亦如是世第一法非見道眷屬相離是以惟自地修非他地修復有說者見道邊等智堅信堅法身即三中可得若起上地法現在前下地便修世第一法凡夫身中可得一切凡夫不能修於他

地問曰以何等故上地見道現在前時下地修下地見道現在前時上地不修耶答曰或有說者上地法勝若現在前時下地則修下地法劣現在前時不修上地猶如勝人不造詣劣人劣人則應造詣勝人彼亦如是復有說者若依上地得正決定下地諸法先已得故是以故修若依下地得正決定上地諸法或不得是以不修復有說者上地諸法從下地因生下地諸法不從上地因生是以不修復有說者下地法不能對治上地上地法

不能對治下地以不對治故是以不修復有說者若依上地得正決定爾時離下地欲故是以故修若依下地得正決定上地或離欲或不離欲設使離欲於上地法不得自在設得自在應即上地得正決定而不能得是以知不自在復有說者下地法攝屬上地是以故修上地法不攝屬下地是以不修復有說者猶如六種守護法故三十三天爲備阿修羅故安六種守護一依水住龍二杵手神三持華鬘神四常放逸神五四天王六三十三

天若依水住龍能壞阿修羅者餘五無事而水住龍若不能杵手神助餘四無事而住若二不勝持華鬘神助餘三無事而住若三不勝放逸神助餘二無事而住若四不勝四天王助餘一無事而住若五不勝三十三天助帝釋無事而住彼若不勝爾時帝釋躬身自出執金剛杵雨金剛雹時阿修羅衆即時退散如是見道斷結對治在六地中若依未至得正決定即彼地見道斷見道所斷結其餘五地無事而住若依初禪得正決定上地則

無事而住未至禪得修亦隨順初禪若依中間二禪三禪亦如是若依四禪得正決定彼四禪中見道斷見道所斷結下地得修亦隨順第四禪復有說者猶如山坡有六重池次第而下其在上池次流於下下池不能逆流於上如是上地無漏流注下地是以故修下地無漏不能流注上地是以不修問曰世第一法頗有覺非有觀耶有觀非有覺耶亦有覺有觀耶非有覺非有觀耶答曰有云何有覺非有觀耶答曰如未至禪初禪覺相應觀

是也所以者何觀不相應故云何有觀非有  
覺答曰覺謂中間禪觀相應法云何有覺有  
觀答曰如未至禪初禪除其覺觀餘相應法  
所謂十大地十善大地及心云何非有覺非  
部三  
有觀答曰謂中間禪觀諸餘覺觀不相應法  
如二禪三禪四禪相應法及色心不相應行  
問曰頗世第一法非有覺有觀非無覺有觀  
非無覺無觀耶答曰有如未至禪初禪地觀  
彼非有覺有觀所以者何如說云何覺觀相  
應法答曰若法與覺觀相應彼觀惟與覺相

應不與觀相應云何非無覺有觀答曰觀所  
以者何如說云何無覺有觀相應法答曰若  
法不與覺相應與觀相應法彼觀惟與覺相  
應不與觀相應云何非無覺無觀答曰觀所  
以者何如說云何無覺無觀相應法答曰若  
法不與覺觀相應與觀相應彼觀雖不與觀  
相應與覺相應問曰頗世第一法非與有覺  
法不與覺觀相應與觀相應彼觀雖不與觀  
相應與覺相應問曰頗世第一法非與有覺  
有觀相應非不是觀耶答曰有禪中間觀彼  
不與覺觀相應非不是觀問曰頗世第一法  
在有覺有觀地非覺惟觀耶答曰有在未至

及初禪地覺惟與觀相應非覺問曰頗世第一法在無覺有觀地非覺非觀相應耶答曰有禪中間觀問曰頗世第一法在有覺有觀地亦有覺有觀無覺有觀無覺無觀耶答曰有云何有覺有觀如未至禪及初禪地覺觀相應法云何無覺有觀即彼覺是也云何無覺無觀即彼色心不相應行是也問曰頗世第一法在無覺有觀地無覺有觀無覺無觀耶答曰有云何無覺有觀如禪中間無覺有觀相應法是云何無覺無觀耶彼觀色心不

相應行是世第一法當言樂根相應乃至廣說問曰何故作此論答曰先已說世第一法體性所以界地未說相應今欲說故復有說者先已說世第一法在三地未說在六地今欲以根明六地義分明了了如觀掌中阿摩勒果云何世第一法樂根相應答曰若依第三禪得世第一法何者樂根相應何者非樂根相應答曰除樂根諸餘樂根相應法何者不相應答曰樂根色心不相應行云何喜根相應答曰若依初禪二禪得世第一法此中

誰與相應誰不與相應誰與相應除喜根諸  
餘喜根相應法誰不與相應喜根色心不相  
應行云何捨根相應答曰若依未至禪第四  
禪得世第一法是也問曰何以不說禪中間  
耶答曰應作是說若依未至中間禪第四禪  
得世第一法而不爾者有何義答曰中間禪  
通名未至是中誰與相應誰不與相應誰與  
相應除捨根諸餘捨根相應法誰不與相應  
捨根色心不相應行頗有世第一法不與喜  
根樂根捨根相應耶答曰有色心不相應行

頗有相應法而不與世第一法相應耶答曰  
有即三根體是也世第一法當言一心爲多  
心乃至廣說問曰何以作此論答曰先已說  
世第一法體性已說所以已說界已說地已  
說根相應未說現在前今欲說故或有說者  
言世第一法是相續現前爲止彼人如是意  
欲顯世第一法現在前一剎那故或有說者  
先說諸心心數法次第得正決定或謂有心  
心數法多彼剎那亦多爲決定此義故而作  
此論復有說者相續有三種一時相續二生

相續三相似相續或謂無二相續惟有相似  
相續如彌沙塞部所說爲止彼人意故而作  
比論世第一法當言一心爲衆多心答曰當  
言一心不當言衆多心問曰如世第一法現  
在前未來心心數法修亦名世第一法此中  
何以不說答曰彼亦應說而不說者當知此  
義是有餘之說如有餘義簡略義亦如是復  
有說者彼未來者屬現在若說現世當知亦  
說未來復有說者若能與次第緣是中說之  
如是義應如先以次第說問曰以何等故世

第一法當言一心應說所以不但以言故此  
義便立答曰此心心法次第更不起世間有  
漏心惟生無漏苦法忍相應心若當起者無  
有是處爲分別故設使起者若小若相似若  
勝若當小者不能得正決定所以者何不以  
衰退未成道得正決定應以勝進勢力道得  
七 正決定若相似者亦不能得正決定所以者  
何先不以此道得正決定如初剎那後剎那  
亦爾如初剎那留難停住不得正決定後衆  
多剎那亦留難停住不得正決定如初剎那

不能取聖道後衆多剎那亦不能取聖道問曰若然者修道中若以下心亦不能取聖道答曰見道異本曾得道異若當勝者亦不能得正決定所以者何前者則非世第一法問曰若非者爲是何法答曰是增上忍復是世第一法問曰以何等故修道中若相似若小能與無漏作次第見道惟勝答曰修道是本曾得道不多用功力而現在前是以若相似若小能作次第見道是未曾得道多用功力乃現在前是以必用勝者世第一法於世第

一法因威勢因者共生因相應因相似因三因者是總說義若別說者過去於過去二因相應共生過去於未來一相似因未來於未來二因相應共生現在於現在二因相應共生現在於未來一相似因不障礙生得法是威勢緣世第一法當言退當言不退乃至廣說問曰何故作此論答曰前已說世第一法體性所以界地根一心未說不退今欲說故而作此論或有說世第一法是退者爲止彼人意故又欲去他義顯自義與法相應故

問曰世第一法當言退當言不退耶答曰不退問曰云何不退應說其所以不可但以言故此義便立答曰世第一法隨順諦轉近諦垂入諦云何隨順諦隨順見道故云何轉都三近八諦轉近見道故云何垂入諦垂入見道故復有說者隨順道諦轉近道諦垂入道諦復有說者隨順苦法忍轉近苦法忍垂入苦法忍世第一法於苦法忍有二種轉近一隨順轉近二垂入轉近彼中間不起不相似有漏心使苦法忍不現在前問曰世第一法是有漏

心向言不起不相似有漏心苦法忍是不相似心何以言有漏是不相似心無漏是相似心耶答曰世第一法惡賤有漏心以惡賤故言不相似無漏言相似猶如有人爲自親里之所苦惱親近他人作親里想於自所親作他人想彼亦如是復有說者世第一法苦法忍同辨一事故所謂捨凡夫事得住聖法猶如士夫度河度谷度山度坑乃至廣說度河者從此至彼度谷者從此岸至彼岸度山者從此山至彼山度坑者從高至下從下至高

猶如有人從高上墮未至地頃便作是念欲  
還本處得如意不答曰不得假使彼人若以  
神足若以呪術若以藥草還至本處可有是  
事住世第一法時無有一法能障苦法忍使  
不現前譬如闍浮提有五大河第三一名恒伽二  
名夜摩那三名薩羅由四名阿夷羅跋提五  
名摩醯流趣大海乃至廣說問曰前喻後喻  
有何差別答曰無有差別所以者何欲因二  
喻以明一義今分明故復有說者前者以內  
法具爲喻後者以外法具爲喻復有說者前

喻爲止內留難法後喻爲止外留難法復有  
說者前喻爲止不如法事後喻爲顯如法事  
彼五河流趣大海無能制者無能遮者無能  
住者無能移者彼五大河流趣大海頗有人  
能遮住者不答曰無也若以神足呪術藥草  
使彼大河停住不流未足爲難無有一法能  
障世第一法使苦法忍不現在前造此經時  
在於東方此五大河在於東方故以爲喻復  
有四大河從阿耨達池出流趣大海一名恒  
伽二名辛頭三名博叉四名私陀彼恒伽河

從金象口出遶阿耨達池一帀流趣東海彼  
辛頭河從銀牛口出亦遶大池一帀流趣南  
海彼博叉河從琉璃馬口出遶大池一帀流  
趣西海彼私陀河從玻瓈師子口出遶大池  
一帀流趣北海彼恒伽河有四大河以爲眷  
屬一夜摩那二薩羅由三阿夷羅跋提四名  
摩醯彼辛頭河亦有四大河以爲眷屬一名  
毗婆奢二名伊羅跋提三名奢多頭四名毗  
德多彼博叉河有四大河以爲眷屬一名婆  
那二名毗多羅尼三名多奢四名究仲婆彼

私陀河亦有四大河以爲眷屬一名薩梨二  
名毗摩三名那提四名毗壽波婆此中惟說  
廣大有名字者然彼四河各有五百眷屬合  
有二千流趣大海頗有人能遮住者不答曰  
不能無有是處以分別故假使有人以神足  
呪術藥草能令彼河停住不流未足爲難無  
有一法能障世第一法使苦法忍不現在前  
復次世第一法與苦法忍作次第緣此文是  
根本義第一答所以者何彼世第一法生時  
能與苦法忍次第緣果若此法能與彼法次

第緣果者此法無有衆生若法若呪術藥草  
若佛若辟支佛若聲聞能作障礙使第二刹  
那不現在前者無有一法速於心者能於爾  
時爲作障礙使不能得正決定彼言無有一  
法速於心者即苦法忍相應心是也作義者  
說曰以何等故世第一法不當言退答曰或  
有說者根本牢固故彼行者修布施時悉以  
迴向解脫持戒不淨安般念處七處善暖頂  
忍亦迴向解脫是名根本牢固復有說者世  
第一法後次生見道無有退見道者彼亦不

退復有說者世第一法後次生忍智無有退  
忍智者彼亦不退復有說者世第一法後乃  
至斷非想非非想處見道所斷結無有退非  
想非非想處見道所斷結者彼亦不退復有  
說者世第一法是勝進分善根無有退勝進  
分善根者暖法有三種退分住分勝進分頂  
都三  
亦有三種忍有二種住分勝進分世第一法  
有一種謂勝進分問曰此皆是達分善根何  
以說三性答曰名數異耳如定犍度說此善  
根有三種於此善根退者名退分不退不進

名住分勝進者名勝進分彼說三種此說達  
分善根名數異耳復有說者此善根是一剎  
那無有退半剎那者問曰頗有二聖人同生  
一處於世第一法一成就一不成就耶答曰  
有一依初禪得正決定二依第二禪得正決  
定彼俱命終生二禪中彼依初禪得正決定  
則不成就所以者何以離地故失依二禪者  
彼則成就問曰頗有二阿羅漢俱在欲界中於  
世第一法一成就一不成就耶答曰有一依  
初禪得正決定二依二禪得正決定彼俱命

終生二禪中陰中得阿羅漢果彼依初禪得  
正決定者則不成就所以者何以離地故失  
問曰頗有聖人不成就世第一法成就世第  
一法解脫得耶答曰有依初禪得正決定彼  
命終生二禪中以離地故不成就世第一法  
彼成就世第一法解脫得彼得以二禪所攝  
故若命終生三禪以上則不成就世第一法  
問曰頗有聖人不成就世第一法亦不成就  
解脫得耶答曰有依初禪得正決定彼若命  
終生第三禪以上則不成就世第一法及解

脫得如經說諸比丘我不見一法速疾迴轉  
過於心者難以喻知乃至廣說問曰言速疾  
迴轉者爲於世耶爲於緣耶若於世者一切  
有爲法亦隨世速疾迴轉不但心也若於緣  
者諸心心數法受緣亦速疾迴轉不但心也

部三

十二

答曰此中亦說世速疾迴轉亦說緣速疾迴  
轉謂一身中非謂一剎那也若一剎那言速  
疾迴轉者則有少分速疾迴轉少分不速疾  
迴轉亦無於緣速疾迴轉所以者何如說若  
法能緣彼法或時不緣無有是事是以說世

之與緣速疾迴轉謂一身中非謂一剎那彼  
一身中或生善心或時染污或時不隱沒無  
記或依眼生乃至依意生若緣色生乃至緣  
法生問曰若於世於緣名速疾迴轉者心心  
數法亦於世於緣速疾迴轉何以獨言心耶  
答曰或有說者此是世尊有餘之說亦是世  
尊爲化衆生簡略之說復有說者於心法中  
誰爲最勝所謂心也是以說心猶如王來餘  
人亦來以王勝故但言王來復有說者以因  
心故名爲心數是故說心以心大故數法亦

名大地是故說心復有說者若修證心通法時彼無礙道惟緣於心是故說心復有說者心是遠行法如說

獨行遠逝不在此身若能調伏是世梵志復有說者心爲尊道如說

心爲前導心尊心使中心念善十三亦言亦行

安樂自追如影隨形

或有說者心猶如王如說

第六增上王此染彼亦染無染而生染

染者名愚小

復有說者心名城主如說比丘當知言城主者即有漏識復有說者心是內法偏一切處能有所緣內者內人所攝偏者從阿毗地獄上至有頂能有所緣者緣一切法復有說者能起善不善尸羅如說善不善尸羅皆因心起復有說者心起惡法生惡道中心起善法生人天中如世尊言諸比丘都提夜子叔迦摩納婆以向如來生惡心故身壞命終如擲真珠噴當墮惡道比丘都提夜子叔迦摩納婆以向如來起善心故如擲真珠噴身壞命

終當生善道復有說者此心爲主多所統攝如說此五情根各行境界心悉能行種種境界復有說者如心行於緣數法皆隨猶如雄魚其所往處雌魚皆隨復有說者心是數法所依之處復有說者心所依受身之處無不有心數法不爾有增有減復有說者若心不調伏不守護不淨修數法亦爾若心調伏守護淨修數法亦爾復有說者若心不伏數法不伏以不伏故流行色聲香味觸法若心折伏數法亦伏以折伏故不行色聲香味觸法

如濾水筩上開則漏上閑則止彼亦如是復有說者世尊先說心速疾迴轉當知餘有餘法亦速疾迴轉如經說我不見一法速疾迴轉過於心者難以喻知問曰如餘經說以猿猴爲喻今何故言難以喻知答曰或有說者此經難以喻第三知不言不以喻知所以者何非凡人能作不易作不過時作非無慧作非凡人作者惟佛能作不易作者用功能作不過時作者佛日出世爾時能作非無慧作者非麤心亂意之所能作又非凡作者能知善心

起住滅相亦知出入及知方便如佛緣覺及諸弟子善於總相別相復有說者言難以喻知者喻若同若相似同者如說心速疾迴轉其猶如受此是心法經先已說若非心法喻不相似復次難以喻知者不以少功而能得知復次難以喻知者如心速疾能有所緣彼喻亦爾而無有法與心等者猶如猿猴從一枝至一枝頃心想迴轉有百千剎那尊者波奢說曰世尊爲化衆生還以心喻心彼猿猴輕躁躁動皆心所爲問曰彼心可以一法爲

定喻不答曰或有說者有誰能作惟佛能作但無能知者如佛化作一剎那以喻心而無知者是故比丘應善知心應善知心迴轉乃至廣說問曰善知心善知心迴轉有何差別答曰或有說者無有差別言善知心即是善知心迴轉復有說者有差別若觀心總相是名善知心觀心別相是名善知心迴轉復有說者若觀心是名善知心若觀數法是名善知心迴轉復有說者若觀心念處是名善知心若觀法念處是名善知心迴轉復有說者

若觀識陰是名善知心若觀餘陰是名善知心迴轉復有說者若觀意入是名善知心若觀餘入是名善知心迴轉復有說者若觀七識界是名善知心若觀餘界是名善知心迴轉復有說者若觀心自相是名善知心若觀心所緣行處是名善知心迴轉復有說者若觀識是名善知心若觀識住處是名善知心迴轉尊者波奢說曰若知有欲心是名善知心若知轉離欲心是名善知心迴轉如有欲心轉離欲心有瞋心轉離瞋心有癡心轉離

癡心散亂心攝心懈怠心精進心有掉心無掉心少心多心有染心無染心定心不定心修心不修心解脫心不解脫心繫心不繫心當知亦如是尊者佛陀提婆說曰世尊言善知心迴轉者即是善知心異名說耳如定犍度說我弟子中善知心迴轉摩訶般特迦是也此即說心念處名善知心迴轉問曰頗住第一剎那頃當得世第一法不當得所依緣耶當得所依緣不當得世第一法耶亦當得世第一法及所依緣耶亦不當得世第一法及

所依緣耶答曰有應作四句若依未來禪當得正決定住增上忍一剎那頃當得世第一法不當得所依緣者除未至禪所攝世第一法現在前及所依緣謂諸餘未來世第一法也當得所依緣不當得世第一法者謂初禪  
第三二禪三禪四禪所攝世第一法所依緣也當得世第一法及所依緣者謂未來禪所攝世第一法現在前及所依緣也亦不當得世第一法及所依緣者謂初禪二禪三禪四禪所攝世第一法諸餘所依緣問曰頗住一剎那

頃當得世第一法緣有緣法耶當得緣無緣法耶當得緣有緣無緣法耶不當得緣有緣無緣法耶答曰有住增上忍應作四句初句者謂世第一法能緣心心數法也第二句者謂世第一法能緣色心不相應行也第三句者謂世第一法能緣心心數法色心不相應行也第四句者除上爾所事

彼作經者說世第一法凡作七論五是根本二因論生論五根本者從云何世第一法乃至根相應二因論生論者謂當言一心當言

不退造毗婆沙者因此造論廣現多文

阿毗曇毗婆沙論卷第三

音釋

第三

十六

滓濁津壯仕切渴直角  
切津濁波渙也  
果梵語也果名摩納婆  
勒勤歷德切摩納婆梵語也此云儒濾  
良倨切澆徒紅切躁則到切  
去滓也  
篩斷竹也躁急躁也

永樂北藏

阿毗曇毗婆沙論

第一一册